



**Kamis, 16 Desember 2021**

**Ogen: Kejadin 4: 1**



**Penampat Tuhan**



Kenca manusia ndabuh ku bas dosa maka manusia nerusken kesusurena guna tole ndemi doni enda guna mpekena-kena doni enda. Adam ras Hawa ersada kula ipupusna anak dilaki alu penampat Tuhan. Kegeluhen Adam ras Hawa tentu iwarnai alu suka duka i bas jabu. Amin gia labo ituriken tangkas i bas Pustaka si Badia, tapi bage me umumna jabu. Nai nari seh genduari enda terus pe seh ku kedungen zaman enda.

Engkai maka nterem perbulangen ras ndehara erndekah-ndekah la siangkan? Kai nge ije jadi masalah? Apakah tuhu-tuhu palasna bas lain pemahamen ras pendapat? Entah lit aspek si deban si mahanca kurang keharmonisen i bas jabu? Unsur keterbukaan perbulangen ras ndehara jadi aspek si penting i tengah-tengah jabu. Alu keterbukan ije me perbulangen ras ndehara banci nuriken kelemahan bagepe arapenna man temanna nggeluh.

Penampat Tuhan nandang i jabu kalak si erkiniteken tentu enggo melala si idah bahkan sinanami pe. Payo labo kerina si bagi ukurta si jadi bas kegeluhen jabu e. I bas mbue damparna banci la bagi ukur perbulangen entah pe ndehara. Pendeta Andar Ismael mengistilahken alu ribut rukun i bas jabu. Lit perdebatan/perjengilen i bas perbedan antara perbulangen ras ndehara tapi min ola erndekah-ndekah dame ka, ersada ka mulihi arih bas tengah-tengah jabu enda me siipake istilah rukun.

Tentuna guna si e arus lit sialema-alemen salah kai pe kekurangan teman ola e ipebelin, sebab baik perbulangen ntah pe ndehara lit nge kekurangenna. Madinlah saling mendukung, saling memotivasi, saling membangun alu bage jabu e pe reh dekahna reh majuna. Alu bage tambah keriahen bas jabu. Sebab bas jabu e kerina nge tetap erlajar. Labo lit si enggo tamat bas perjabun. Jabu si ngena ate Tuhan guna kemulian Tuhan. **Penampat Tuhan erbahanca kita sempabu**



